

Universitätsbibliothek Paderborn

**B. Alberti Doctoris Magni ex Ordine Prædicatorum
Episcopi Ratisponensis De Adhærendo Deo Libellvs**

**Johannes <de Castello>
Albertus <Magnus>**

Antverpiae, 1621

Cap. VII. Quòd beatus Thomas studuit sub Alberto, & qualiter spiritu
Prophetico præuidit beati Thomæ in studio profectum.

urn:nbn:de:hbz:466:1-44148

Apum apertè suis scriptis testatur. Hic etiam Christianus iam nominatus condemnatus fuit ab Alberto ob errorem suum, eò quòd dixerat, ante finem mundi Sanctos existere sine peccato originali; & quòd Christus cum eis corporaliter comedens & bibens, liberaret eos ab omnibus malis per mille annos. Quam hæresim dixit Albertus se condemnasse cum aliis Magistris super Matthæum circa illum textum, *Sed libera nos à malo. vbi eumdem præfatum Christianum Beluacensem auctoren huius erroris nominatim exprimit.*

CAP V T VII.

Quòd beatus Thomas studuit sub Alberto, & qualiter spiritu Prophético præuidit beati Thomæ in studio profectum.

TERTIO autem anno Magisterij sui, Alberto iterùm mittitur Coloniā ad legendum. Factumque est in illis diebus, vt sanctus Thomas iam in Ordine stabilitus, cùm fratres sui carnales ab omni impugnatione cessassent,

E 3 mitte-

mitteretur ad Magistrum Ordinis , vi-
delicet Fratrem Ioannem Teutonicum ,
quondam Episcopum Bosuensem , vt
eidem Thomæ de studio generali pro-
uideret . Quem cùm idem Magister
Ioannes in filium charissimū in Christo
suscepisset , duxit Thomam , vt in Le-
genda eius habetur , de Parisiis in Co-
loniam , vbi sub Fratre Alberto , Magi-
stro in Theologia eiusdem Ordinis , flo-
rebat studium generale , qui reputaba-
tur in omni scientia singularis . Quò
cùm peruenisset sanctus adolescens ,
audissetque in omni scientia profunda
& miranda docentem ; gauisus est se ci-
tò inuenisse quod quæreret , à quo hau-
rire posset audiūs quod sitiret . Cùm
autem Frater Thomas miro modo ta-
citurnus , orationi & studio , propter
quod venerat , solicite esset intentus ,
cœpit Magister Albertus librum de Di-
uinis nominibus legere , Thomas verò
præfatus de Aquino cum alijs lectio-
nem ipsius audire . Quadam autem vice
cùm schedula , in qua collecta à Fratre
Thoma , Magistro allata fuisset , admi-
xans ille discipuli ingenium , & aduer-
tens in ipso tam diuturnum silentium
cum

cum tanta simplicitate & puritate conuerstationis ; non dubitat quin magnæ alicuius gratiæ occultæ id priuilegium foret. Assignat igitur illi quæstionem difficultem satis , de qua in crastino responderet; cumque ad omnia argumen- ta soluendo sufficientissimè respondis- set , fertur Magistrum Albertum per spiritum prophetiæ sic dixisse : *Vos bo- uem mutum esse ipsum dicitis , sed talem adhuc in doctrina dabit mugitum , ut totus mirabitur mundus.* Vnde post hoc Ma- gister , sui discipuli probata sufficientia , omnes difficiles actus scholasticos tam- quam magis idoneo committit. At ve- rò Magister Albertus cùm libros Ethicorum cum quæstionibus legeret , Fra- ter Thomas Magistri lecturam studio- sè colligens , rededit in scriptis Opus stilo disertum , subtilitate profundum , sicut à fonte tanti Doctoris haurire potuit , qui in scientia omnem homi- nem in sui temporis ætate præcessit. Hæc omnia in Legenda sancti Thomæ: in qua & hoc sequitur , quod Magister Albertus præuidens velocem in doctri- na discipuli profectum , persuasit Ma- gistro Ordinis , vt Fratrem Thomam

pro Baccalaureo in Parisiensi studio acceptaret, describens ipsum in scientia sufficientem, & in vita probatum. Quanto autem tempore beatus Thomas discipulus Magistri Alberti fuerit, certum non habemus: bis tamen ipsum Coloniæ sub Alberto studuisse probamus. Primò enim prolapsus à curia, ut priùs notatum est, studuit Coloniæ, quo usque ipse Albertus præclarus Lector Parisios promouendus in Magistrum est translatus. Secundò vero, ut iam diximus ex Legenda ipsius, cùm post Magisterium Alberti reductus est per Ioannem Magistrum Ordinis Coloniæ. Communi autem fama in Coloniensi Conuentu dici solet, beatum Thomam Coloniæ sub Alberto nouem annis studuisse; ubi & vtrorumque celæ, in quibus habitauerunt, demonstrantur. Vnde ex iam notatis considerandum est, & Magistri quanta fuerit excellentia & facundia in docendo, simulque quod Propheticō spiritu claruerit; discipuli & quantus amor discendi, cùm hic, ut suum adimpleret desiderium, toties per multarum spatia terrarum, patriæ oblitus, honoribusque reie-

reiectis, ad hunc singularem Doctorem Albertum, ut pote ad fontem sapientiae, praे alijs Magistris sitibundus ut ceruus non fastidiuit declinare. Creditur etiam absque omni ambiguitatis scrupulo, magnum apicem scientiae ab Alberto sanctum Thomam sumpsisse; quod euidenter apparet si libri vtrorumque inspiciantur: nam reperies frequenter easdem sententias sub eisdem verbis expressas, articulos etiam per omnia sub eadem forma in argumentis & solutionibus positos. Nec hoc derogat sanctitati Thomae, cum sit humilitatis; nec minor ideo est in scientia, cum hoc ipsum apud Hieronymum inuenies, dum suis dictis quedam ex aliorum Commentariis interserit, ut Ambrosij & Theophili. Sed etiam in hac reformatam videmus summam humilitatis Alberti, qui numquam pene opinionem ponit propriam, quin Sanctorum dictis ipsam confirmare studet, non mutando verba, ut quibusdam moris est; sed tenorem verborum in omnibus seruans. Notat enim ipse Albertus in quodam passu suorum Librorum, vanitatis amatores reprehendendo, cum dicit: *Sunt*

E s quidam,

quidam, dum nihil inuenire possunt ex se, ea quae dicta sunt ab aliis, ipsi scribere sub alia forma verborum nituntur. Illos vero collaudat in sua Metaphysica, qui non ad ostentationem, sed pro maiori elucidatione Doctoris cuiuscumque dicta terminando explanant.

CAPVT VIII.

*Qua intentione scripsit tantum in
Philosophia, & quam necessarium
fuit hoc fieri sua etate.*

Et antequam de Alberti vita prose-
quimur, alia quoad eius doctrinam
sunt præmittenda. In primis igitur no-
tandum, quod mouere non debet quem-
piam res ista, quia Albertus non solum-
modò Sacrarum litterarum lucidissi-
mus est Doctor, verum etiam Philoso-
phorum pænè omnium fidelis inter-
pres, ita ut nullus illi hac in re similis
inueniatur. unde quorundam fortassis
falsa imaginatio, vel pura ignorantia,
aut etiam nonnumquam vitiosissima
inuidia curiosum ipsum in naturalibus
nimis fuisse affirmare præsumit. Sed si
tales